

Газет 2001-йисан  
ноябрдилай акъатзава

# Эренлардин СЕС

РД - дин Докъузпара райондин общественно-политический газет.  
Общественно-политическая газета Докузпаринского района РД.

№18 (792) 3-Май, арбе, 2017-йис. Почтамтдай зур йисан кьимет - 226 манат

## “Докъузпара район” МО-дин Кьил К. С. Абасован ТЕБРИК



Играми Ватандин Чехи дяведин ветеранар, фронтдин далу пата зегьмет чӀугурбур ва санлай вири районэгълияр! За Квез Чехи Гъалибвили 72 йис тамам хьунин зурба сувар рикӀин сидкьидай мубаракзава! Чехи гъалибвал... адак чи Ватандин вири миллетрин дуствилин ва алахунрин пай ква.

Анжах дяведин сифте йисуз Докъузпара райондин зегьметкешри уьлкведин оборонадин фондуниз 1700 хьшикь, 10500 кило сар, 17 агъзурни 257 кило як, 380 кило чӀем рекье туна. Хирер ханвай аскерриз куьмек яз, кьилди 31 тонн як, 547

кило чӀем, 365 кило ниси рекье туна. Чи дишегълийри 37 агъзур жуьт бегълеяр, 42 агъзур жуьт сун гуьлуьтар, кьилдин ксари Оборонадин фондуниз пулар яна, заемар кхьена. А такьатри цийи танковый колоннаяр, авиаэскадрильяяр арадал гъуниз куьмекна. Къурушви Агъабег Уружева фронтдиз 854 балкӀан рекье туна, дишегълийри, кьужайри танкарин аксина сенгерар кьадай хандакӀар эгъуьнна. Тарихдин метлеб авай гъалибвилик чи районэгълийри кьетӀен пай кутуна, тахминан 3000 докъузпаравидиз цӀун ва ялавдин юкьва иштиракдай несибдин пай акъатна. Абурукай 1800 касди чпин чанар Ватандин азадвал хуьн патал къурбандна.

Чи районэгълийрикай сад, вичин ери-бине Каракуьредай тир Мирзе Велиев Советрин Союздин Игит лагъай дережалу тӀварцӀиз лайихлу хьана. Дагъустандай хьайи тек ва сифтегъан комдив Х.Д. Заманов хьтин кьегъгал хва, чи районэгъли хьунал дамахиз жеда. Ленинграддин гьалкьада хьайи дишегъли Х. Эмирсултановадин, ва адан уьмуьрдин юлдаш Э.

Амирагъмедован, каввзводдин командирдин куьмекчи Гь. Магъмудован, разведчик С. Абдулкеримован, Мискискарин хуьрай тир гвардиядин полковник А. Агацарскидин ва адан стха ГБ-дин лейтенант Г. Агацарскидин, баркалладин сад ва кьвед лагъай дережадин орденриз лайихлу хьайи кавалериядин взводдин командир М. Мурсалован ва стрелковый батальондин командир, оперуполномоченный ОКР «Смерш» А. Гьасанбалаеван, чӀехи женгерин иштиракчи Я. Залован, Миграгърин хуьрай тир, дяведин йисара комбат хьайи капитан М. Саидован, капитан К. Кельбиханован, текиви Серкер Мингъажеван, кьалажухви капитан С. Агъабалаеван, къурушви сапӀер «Лезги Мересъев» Даниял Гьафизован ва маса рухвайрин ва рушарин женгерин лайихлувилерни тӀимил туш. За Квез виридаз Чехи Гъалибвили 72 йис тамам хьунин суварин югъ рикӀин сидкьидай мубаракзава! Къуй дуьньяда ислягъвал, Квехъни руьгъдин винизвал, чандин сагъвилер ва шадвилер хьурай!



# 1941-1945-йисара кьиле фейи лап кьизгъин женгер...



**Мирза Велиев**

1940-йисуз душман Гитлер кьиле аваз Германиядин вермахтдин кьилин штабда, СССР-дин уьлкве са гъвечи мугълетда чилин винелай квадардай ва халкъ кьирмишдай фикирдин са шумуд план гъазурна акъалтарна. Ингъе абур: 1) план «Барбароса»- СССР кьунин (1941-1945 йисариз талукъ тир); 2) план «Тайфун»-Москва шегер кьачунин (1941 йисан 30-сентябрь- 1942-йисан 20-апрель); 3) план «Северное

сияние»-Ленинград гьалкъадиз кьачунин (с 10 июля 1941-йисан 10-июль 1944-йисан 9-август) 4) план «Блау» ва план «Брауншвейг» - Сталинград кукварунин (1942-йисан 17-июль – 1943-йисан 2-февраль); 5) план «Цитадель»- Курскдин гьалкъада ягъунар кьунин (1943-йисан 5-июлдай 23-августдалди кьиле фейи, тарихда тахъай хътин танкарин дяве); 6) план «Эдельвейс»-Кавказ кьунин.

## Москвадин кланик ягъунар (1941-1942 йисар)



**Хаирбег Заманов**

1941-йисан сентябрдин эхирда Гитлеран чапхунчияр (Москвадивай 30 километрдин яръа) акъвазна мукъва хъанвай. Абуру чи меркез кукварун фикирда кьуна, «Тайфун» твар алай дяведин план гъазурна. Иниз гадарнавай немсерин кьушунрин кьадар са шумуд сеферда Яру Армиядин кьушунрилай гзаф тир. Душмандин хура акъвазунин план туькьурун Георгий Жуковал тапшурмишнавай. Ада пуд фронтдикай «Западный» твар алай са фронт гъазурна, саки 7 вацран муьгълетда Москва шегьрдин кланик кьати женгер

тухвана, душмандин кьушунривай, чеб кьулукъ чугъаз хгана. Москвадин уьрушда кьиле фейи са дяведа, Яру Армиядин 2 миллион аскерди чпин чанар кьурбандна. Нетижада Яру Армиядин алакьунрикай, кьегьал рухвайрикай дуьньядиз хабар хъана. Москвадин кланик кьилин «Центр» твар алай душмандин кьушунар магълуб хъунин себебди, 26 уьлкведикай ибарат тир «антигитлеровская коалиция» тешкилуни бине эцигна. Гьа инал душмандин кьилин кьуватар буш хъана.

## Ленинград гьалкъада (1941-1944 йисар)



**Агъабег Агацарский**

1941-йисан сентябрдин вацра Гитлеран кьушунри Ленинград шегьр гьалкъада кьунвай. Гьисабай са гъвечи муьгълетдила ленинградвийриз недай- хъвадай суьрсет амуькьнач. Тарихдин делилрай тестикъ тирвал, каша гьатнавай ленинградвийр кицлер, кацер, кьифер туьниз мажбур хъана. Каш- мекъ себеб яз гзаф агъалияр телеф хъана. Абурун кьеце патан алакьяр кьеви хъана. Душмандинхъ

галаз женг тухудай яракъ, недай суьрсет кьецепатай гъун лап чарасуз тир. Хъуьтуьн кьаяр-мекьер себеб хъана, муркьади кьунвай Ладога вирелай рехъ ачух хъана. Ленингарддиз муркьадилай йифен вахтунда кьецепатай суьрсет, яракъ лашмишунин нетижада, 900 йикъан ва йифен кьене душмандин







М. Саидов



Гъажи Магъмудов

Ханбике  
Эмирсултанова

гъалкъада дурум гайи ленингардвийриз Яру Армиядин къецепатан къуватрин ва шегъер азадунин «Искра» пландин куьмекдалди Гитлеран вагъшияр тергна, чкадин халкъ гъалкъадай акъуддай мумкинвал хъана. 1944-

йисан 27-январдиз душмандин гъалкъадал эхир эцигна, Гитлеран чапхунчийр кукIварна. Алай вахтунда виликан Ленинград (гилан Санкт-Петербург) игит шегъеррин жергеда ава.

## Сталинграддин ягъунрикай (1942-1943-йисар)

1942-йисан 17-июлдиз башламишна инсаниятдин тарихда тахъай хътин, лап еке ивияр экъичай ягъунрикай сад, Сталинграддин кIаник къиле фена. Агъурдаказ, Москвадин кIаник магълуб хъайи Германиядин фашистриз вири къуватар Сталинграддихъ сукулмишдай фикир атана. Идалди душмандин фикир СССР-дин юкъван пай атIана, Каспий гъулуьн, фалди ва нефтIадалди таъмин тир районрихъ фин тир. Сталинграддин ягъунар 200 юкъуз ва йифиз давам хъана. 1942-йисан 28-августдиз немсер Волга вацIал экъечIна ва абуру шегъердал тепилмиш хъунин алахъунар авуна. Зулуз, октябрдин сифте къилера, Сталинграддин чIехи пай сергъятар фашистрин аскеррин гъиле гъатна. Сталинград хуьзвайбуру, чпин руьгъдин ва къуватдин вири мумкинвилер эцигна, шегъердин гъар са куьче патал, гъар са чIиб чил хуьн патал женгер тухузвай. Сталинград хуьнин кар къуд вацра давам хъана.

Ноябрдиз советрин къушунрин, генерал В.И.Чуйкован регъбервилик кваз душмандин аксина, абур тергдай ягъунар къиле тухвана. 1943-йисан январдиз къенепатан гъалкъа рагъ экъечIдай патахъди акъаж хъана. Паулосан регъбервилик квай къушунрин гъалар акваз-такваз буш хъана. 31-январдилай 2-февралдалди немсери рей гана. Сталинграддин ягъунра немсерин терефдай 32 дивизия тергнавай. Душмандин къушунрикай 1 миллионни вад виш агъзур кас аскерар терг хъанвай. Душмандин техникадай лагъайтIа 3,5 агъзур танкар ва 12 агъзур туп, минометар, 3 агъзур самолет терг хъана. Ватандин ЧIехи дяведа, Германияда и вакъиадихъ галаз алакълалу яз, ясдин вахт малумарна. Советрин къушунри Волгада къазанмишай дяведин нетижайри тарихда мягъкем чка къунва.

Вадим АГЪАМУРАДОВ

## Кавказ патал женгер

Ватандин ЧIехи дяведин вахтунда советрин къушунри Кавказ патал инин сергъятра къиле тухвай дявединни гъужумдин гъерекатар тарихда зурба вакъияяр яз гъатнава. Тарихдин чешмейра къейднавайвал, Кавказ патал къиле фейн женгер 1942-йисан 25-июлдилай 1943-йисан 9-октябрдал къван давам хъана. Чебни къве чкадал пай жезва: 1942-йисан 25-июлдилай 31-декабрдалди немсерин гъужумар къиле фена ва абурувай и мулкарикай са пай

къазни хъана; 1943-йисан 31-декабрдилай 9-октябрдалди советрин къушунри акси гъужумар авуна, фашистрин къушунривай а чка вахчуна ва абур къулухъди элкълуьниз мажбурна.

1942-йисан зулун эвел къилера немсерин къушунрилай Кубандинни Кеферпатан Кавказдин чIехи пай гъужумралди къаз алакълна,







Султан Агъабалаев



Даниял Гъафизов



Серкер Мингъажев



амма Сталинградда немсер магълуб хъайидалай кьулухъ, еке зиянар хъуникди ва советрин кьушунри чеб элкьуърна кьунин кичлевал аваз, фашистар мадни кьулухъди элкьуърниз мажбур хъхъана. 1943-йисуз советрин яракьлу кьушунри немсерин кьушунар Кубандин сергьятра элкьуърна кьунин ва тергунин серенжем тухун кьетна, амма серенжемди агалкьун гъанач – немсер Крымдин терефдихъ кат хъувунвай.

1942-йисуз Кавказ патал кьиле фейи сад лагъай женгера немсерин кьушунривай еке зегьметар галачиз са жерге шегьерар кьаз алакьна: Ставрополь, Армавир, Майкоп, Краснодар, Элиста, Моздок ва Новороссийскдин са пай. 1942-йисан сентябрдин вацра немсерин яракьлу кьушунар Малгобекдин сергьятрив агакьна ва ина советрин кьушунри акъвазарна. И женгера хъайи агалкьунар Гитлеран кьушунриз багъаз акъвазна, абуруз еке зиянар хъана. Ягъунралди Кавказ кьунин сифтегъан план немсеривай кьилиз акъудиз хъанач. Гьерекатрин нетижада советрин кьушунривай немсерин гьужум вахтунда

акъвазариз ва кьушунар женгер акъвазаруниз мажбур ийиз алакьна.

Немсерин гьужумдин гьерекатар гзафни-гзаф советрин кьушунри Сталинградда кьазанмишай гъалибвал себеб яз кьиле фенач. Гзаф кьадардин телефвилер хъунин нетижада 1943-йисан эвел кьилера немсерин аскеррин кьушунар советрин кьушунрилай са шумуд сеферда тлимил хъана.

Кавказ патал кьиле фейи кьвед лагъай женгер Советрин Союздиз аскеррин уьтквемвални дурумлувал себеб яз агалкьунар гъайи акси гьужумрин гьерекатрин нетижаар яз гъисабиз жеда. Кьилди лагъайтла, виликдай немсери чапхун авур мулкар дяведалди вахчуна, Кефер патан Осетия, Кабардино-Балкария, Ростов область, Ставропольский край ва маса районар тамамдаказ азад хъууна.

Сталинградда ва Кавказда хъайи женгера гъалибвилер кьазанмишунилай Советрин Союздин шадвилини мярекатар эгечна.

Гъазурайди – К.Ферзалнев

## Курскдин дугада (1943-йисан 5-июлдилай 23-августалди) кьиле фейи ягъунар

Ватандин чехи дяведин йисара кьиле фейи виридалайни кьизгъин ва четин ягъунрикай сад, Курскдин гьалкъада (1943-йисан 5-июлдилай 23-августалди) давам хъайи ягъунар тир. Гитлера Курск шегьер кьун патал дяведин гьерекат «Цитадель» гъазурна; ана 2700 танк, 2050 самолет, 10 агъзур минометар ва генани лап еке кьуватар ишлемишна. Курск шегьердин фронтдин гьерекатрин кьиле Жуковни Василевский акъвазнавай. Советрин Армиядин кьушунрин

къадарни миллиондив агакьнавай. Курский гьалкъада Прохоровка хуьре 49 йикъан кьене дуьнядин тарихда тахъай хътин, лап еке танкарин дяве кьиле фена. Советрин армиядин кьушунри, СССР-дин авиациядин куьмекдалди душмандин кьушунар тергна, хайи чиливай абур яргъаз гадарна. «Цитадель» твар алай дяведин гьерекатдин эхир алуькна.

Вадим АГЪАМУРАДОВ



## Берлин патал женгер

Малум тирвал, Ватандин Чехи дяведин йисара кыле фейи зурба вакъийрикай сад Берлин къачуниз талукуди я. 1944-йисан ноябрдиз Советрин къушунрин Генштаб немсерин меркездиз мукъва чкайрал гъжум авунин план тукъурунив эгечна. Гъжумдин гьерекатдалди немсерин къушунрин «А» десте барбатлун ва Польшадин мулкар тамамдаказ азад хъувун къетнавай. Дяведин гьерекат Европада сергьятра 1-апрелдилай 1945-йисан 9-майдал къван кыле фена. И вахтунда немсери къур мулкар азад хъууна ва Берлин гуъзчивилик кутуна. Берлинда кыле фейи женгинин гьерекат Ватандин Чехи дяведин эхиримжиди, советрин къушунри Берлин къачурди ва гъалибвал къазанмишдайди хъана.

Февралдин юкъвара хъыз советрин къушунрилай Берлинди хъ физвай эхиримжи манийвилерай – Одердай экъечлиз алакьна. Германиядин меркездив агакьиз амайди 70 километрдилай са тлимил гзаф тир. Германиядиз рей гуз кланзавачир ва вири къуватривди советрин гъжумдиз дурум гуз алахъзавай, амма Яру армия акъвазарун гзаф четин месэла тир. И вахтунда Шаркъ патан Пруссиядин сергьятра Кенигсбергдин къеледал гъжум авунин гъазурвилерни кыле физвай. И гьерекат патал советрин къушунри хъсан гъазурвал акунай ва нетижада къеле адетдинди тушир къайлада, тадиз къуна. 1945-йисан апрелдиз советрин яракьлу



къушунри фадлай вилив хвейи Берлиндал гъжум авунин гъазурвилер акъаз эгечна. СССР-дин руководство женгинин гьерекатра агалкъунар хъун патал чарасуздаказ, гежел вегьин тавуна, гъжум кыле тухунин фикирдал алай. Гъжум авунин и гьерекатриз гъакъикъатданни вини дережада аваз гъазурвилер акунвай. Кылди лагъайтла, шегьердин къерехриз дяведин чехи техника, суьрсатар гадарнавай ва пуд фронтдин къуватар къватнавай. И гьерекатрин кыле маршалар тир Г.К.Жуков, К.К.Рокоссовский ва И.С.Коневакъвазнавай. Къати ягъунра вири санлай 3 миллиондилайни гзаф ксари иштиракна.

21-апрелдиз советрин яракьлу къушунар Берлиндин къерехдив агакьна ва абуру немсерин

аскеррихъ галаз куьчедин ягъунар кыле тухвана. Немсерин аскерри, есирвилез рей тагунин Гитлеран эмирдалди, сад амай къван ягъунра иштиракна. 29-апрелдиз советрин аскерри Рейхстагдин дараматдал гъжум ийиз эгечна. 30-апрелдиз и дараматдал советрин пайдах хкажна. Дяве акъалтна, Германия магълуб хъана.

Гъа икл, Берлинда кыле фейи женгери Ватандин Чехи дяведал ва Дуьньядин Къвед лагъай дяведал эхир эцигна. Советрин къушунри авур йигин гъжумрин нетижада Германия рей гуниз мажбур хъана. Гитлера, вичин къушунар магълуб хъайидакай чир хъайила, вичи-вичин чандиз къаст авуна.

Гъазурайди – К.Ферзалиев

## Ватандин Чехи дяведин йисарин лезги эдебият

Ватандин Чехи дяве башламишайла, Дагъустандин маса халкъарин писателар ва шаирар хъыз, чи жегьил литераторарни гуьгьуьллудаказ фронтдиз рекъе гъатнай. И жергедик Мемей Эфендиев (1903-1944), Балакъардаш Султанов (1912-1943), Агъалар

Гъажиев (1907-1943), Стал Мусаиб (1914-1943), Мутлагъир Рзаханов (1906-1942) ва масабур акатзава. Абуру гъам шаирвилдин хци гафуналди, гъам яракьдалди чапхунчи душмандихъ галаз, къегъалри хъыз, дяве тухвана, Ватандин рекъе чпин чанар эцигна.

Фронтдин далу пата амай шаиррини писателри: Хуьруьг Тагъира, Нуредин Шерифова, Шиназ Гъезерчиди, Абдул Муталибова, Сейфедин Шихалиева,





Зияудин Эфендиева, Къияс Межидова, Эльдар Билалова, Шагь-Эмир Мурадова ва масабур галатун тийижиз эдебиятда кIвалахзава. Абурун ватанпересвилин гиссералди ва дерин метлебдалди тафаватлу эсерар «Социализмдин пайдах», «Цийи дунья», «Колхоздин пайдах» газетриз, школадин хрестоматийриз ва къилдин шииррин кIвалариз акъатнай. ИкI, 1943- йисуз чапдай акъатай «Ватан патал» ктаб къетлендиз къейд авуниз

Пехьи кицин уьмуьр вуч я,  
Пехьи ампа, къачагъ Гитлер?!  
Ви ажал вав агакъдалди,  
Герек амач ярги рекьер...

СтIал Мусаиб

\*\*\*

Чи къушунди чпин гьунар  
Дуньядиз ашкар авуна.  
Вирибуруз лугъузва къе:  
«Ажеб хъсан кар авуна».  
КIватI хъана чи игит халкъар,  
Агакъайла и шад хабар,  
Хкажна яру пайдахар.  
Къе чна сувар авуна...

лайихлу я. Ана Ватандин Чехи дяведин вакъийриз бахшнавай халкъдин сивин яратмишунар, СтIал Сулейманан «Яру аскердиз», Хуьруьг Тагъиран «Ватан», «Бубадин тапшуругъ», «Аслан хва, игит хуьхь!», «Лянет», СтIал Мусаибан «Гъамиша гъалиб яру аскер», «Ватан хуьз гъазур я чун», Зияудин Эфендиеван «Гъахъ эхир винел акъалтла», «Фронтдин бригада», Сейфудин Шихалиеван «Ватандин кард», Къияс Межидован «Седредин Гъашумов»,

Диде Ватан патал дяве  
Авун къазва чна хиве,  
Гъич са касдин кам чи чиле  
Тутаз чун къуз – физ гъазур я.

Хуьруьг Тагъир

Уьмуьрди, вичи Ватандихъ Чехи дяведихъ галаз алакьалу яз арадал гъайи ватанпересвилин тема гележегдани чи эдебиятда гзаф йисара къилинди жезва. Вахтар къвез алатда, несилар легиш жада, амма дяведин йисара яратмишай эсерри чи руьгдин хазинадик кутур пай са чIавузни квахъдач.

Эльдар Билалован «Фронтвик стхадиз чар», Шагь-Эмир Мурадован «Яру армиядиз салам», «Сталинград», «Партизандин паб», Шихнесир Къафланован «Ватандин игитриз аферин», Агъалар Гъажиеван «Гитлеран хам за хтIунда» ва маса эсерар ганва. А ктабда гъатнавай саки вири эсерра чIалан устадри чун чапхунчи душмандин винел гъалиб жадавилдин фикир тестикъарзава. Килиг, вуч лугъузвагIа:

Дуньядин халкъар шадзава,  
Хъана лугъуз дяве куьтягъ.  
«Урусат къачуд!»-лугъуз,-  
Садахъни мад тахъуй темягъ...

Абдул Муталибов



Гъазурайди - Шагьбала  
ШАГЪБАЛАЕВ


Шихнесир КЪАФЛАНОВ

## Ватан хвейибуруз

Ивидалди кхъейбур бахт,  
МуьтIуьгъайбур тIурфанар.  
Буржлу я Квез ажайиб вахт,  
Ислягъвилин девранар.  
Гунагъ квачир куьрпейраллай  
Хирерни квез акуна,  
ХарапIайриз дуьнмиш хъайи  
Хуьрерни квез акуна.  
Сузадаллаз ахвар тавур  
Йиферни квез таниш я.  
Стха къейи ваха атIай  
Киферни квез таниш я.  
Таниш я квез залаввилихъ  
Галаз чIехи жуьрэтни,  
Куь гьунарриз гузва элди  
Икрамдалди къиметни.  
Сталинград, Севастополь  
Гуьмбет я квез эбеди,  
Гуьлдан хътин рухвайрикай  
Къиса кхъей уьлкведи.

Квез баркалла рехъ фейибур  
БалкIандаллаз ажалдин!  
Рагъ авай югъ хгунай чаз,  
Шад хуьруьнай аялдин.  
Дуньядик мад гъалаба ква,  
Къенвач къурху дяведин.  
Цийи тIварар алаз ханва  
«Гитлерар» мад вядеди.  
Бязибуру къачунвач тарс  
Чпе акъур лашарай,  
Мад дяведин далдам гатаз,  
Акъатзава хамарай.  
Рикел хуьрай: им Зоядин,  
Мересьеван ватан я!  
Буьркьуь касдиз экв кIандайвал,  
Азадвал чаз масан я.  
Рикел хуьрай: ганвач чанар  
Миллионри гъавая,  
Чи къастуни, чи къудратди  
Нурламишда и дунья.

Чулав леке гъич веледри  
Гъич бубайрин турарал.  
Бубайрин пак тIварар жада  
Ислягъвилин варарал.  
Нагагъ чулав югъ хъайитIа,  
Мерд бубадин векилар  
Цизни гъахъда, цIузни фида  
Дунья хъийиз жегъилар!



## ЛЯНЕТ

Фашизмдиз, пехъи кьилериз адан,  
Чинеба кьар алчах кицлериз бирдан  
Лянет, лянет вири гьвечли- чехидан!  
Гьар патахъай кье гузвай кьимет я ваз:  
«Ах-тфу, душман, еке лянет я ваз!»

Жедач, залум, вакай дуьньядиз агъа,  
Гьвечли кьезрияр недай гьуьлуьн наха.  
«Им вуч мусибат я, лугьуз, кицлин хва?!»-  
Паб –аялди кье гузвай кьимет я ваз:  
«Ах-тфу, душман, еке лянет я ваз!»

Инсанпересвилехъ галаз кар авач,  
Инсанперессузвилехъ кьадар авач.  
«Гитлеризм хьгин муртад твар авач!»-  
Лугьуз, элди кье гузвай кьимет я ваз:  
«Ах-тфу, душман, еке лянет я ваз!»

Алахънава азадвилеиз ягъиз цай,  
Вагъши гьайванар тийш ивидай кьацай.  
Лянет, лянет, мадни лап дуьнья ацай!  
Гьар са касди кье гузвай кьимет я ваз:  
«Ах-тфу, душман, еке лянет я ваз!»

Къачагъри чеб пуч жедай чал кьатлайла,  
Чал гьалтнава эхир кьилер кьутайла,  
Пашман жемир хурт жедалди гатайла.  
Гьелбет, ам чна гудай кьимет я ваз:  
«Ах-тфу, душман, еке лянет я ваз!»

Жеч вавай мардар фикир кьилиз тухуз,  
Гьяя, намус, эдеб авачир дунгьуз!  
Лянет, лянет агъзурралди гьар юкьуз!  
Ара датгуз кье гузвай кьимет я ваз:  
«Ах-тфу, душман, еке лянет я ваз!»

«Эл кьирмиш хьуй лугьуз, са зи руфун -тух»,  
Жедач,- руфуна акъада эхир ух,  
Лянет, лянет гьич такьалтар уьмуьрлук!  
Тебиатди кье гузвай кьимет я ваз:  
«Ах-тфу, душман, еке лянет я ваз!»

Ихтибариз гьич садани вакларал,  
Алахънавай кьез чи азад накъварал.  
Илигна лаш кукварда вун сухварал,  
Чир хьухъ, им чна гудай кьимет я ваз:  
«Ах-тфу, душман, еке лянет я ваз!»

Чи Яру кьушунди азад тир Ватан  
Хуьнуьх патал эцигнава вичин чан,  
Кукварда душманар лап сад амай кьван,  
Эхиримжи гузавай кьимет я ваз:  
«Ах-тфу, душман, еке лянет я ваз!»

Гьамиша туьгмет я ваз!  
Тимил вахт муьглет я ваз!  
Акьалтлай сергьят я ваз!  
Хуьруьг Тагьиран патай  
Виш агъзур лянет я ваз!

1941-йис.

## ОБРАЩЕНИЕ

Уважаемые жители  
Докузпаринского района !

В населённых пунктах района  
9 Мая состоятся торжественные  
церемонии возложения венков и  
цветов к обелискам и памятникам  
воинам, погибшим за свободу и  
независимость Отечества в Великой  
Отечественной Войне 1941-1945гг.

От имени руководства и  
личного состава МО МВД России  
«Ахтынский» мы поздравляем  
жителей района и ветеранов с Днем  
победы !

Однако есть и те, кто  
противопоставили себя всему  
народу, создали организованные  
преступные сообщества и сеют  
смерть среди мирного населения.  
Террористы делают все, чтобы в  
глазах мировой общественности  
ислам ассоциировался с  
жестокостью, убийствами и  
разрушениями. Терроризм может

ворваться в каждый дом, принести  
неисчислимые страдания в каждую  
семью, выбрать себе в жертву  
каждого. Только сообща мы сможем  
бороться с ним и победить.

Межмуниципальный отдел  
МВД России «Ахтынский»  
обращается к жителям  
Докузпаринского района с  
просьбой:

- в случае обнаружения  
бесхозных вещей и предметов,  
вызывающих подозрение, не  
прикасайтесь к ним, воздержитесь  
от использования мобильных  
телефонов вблизи данного  
предмета. Сообщите о находке в  
правоохранительные органы;

- не приближайтесь к  
подозрительным предметам,  
которые могут оказаться  
взрывными устройствами, и не  
предпринимайте никаких действий  
с ними - это может привести к их

взрыву.

Если вы располагаете  
информацией о подозрительных  
лицах, наличии у граждан  
взрывчатых веществ, оружия и  
других запрещенных предметов,  
просим незамедлительно сообщать  
в правоохранительные органы.

Запомните: ваша информация  
может спасти жизни ваших родных  
и близких, соседей, друзей,  
знакомых.


Телефоны «горячей линии»:  
- МВД по РД: 99-45-00  
(дежурная часть);

- Межмуниципальный отдел  
МВД России «Ахтынский»:  
(дежурная часть) 02, 23-0-29,  
98-44-27, 98-44-28

Врио, начальника  
МО МВД России «Ахтынский»:  
А. АБДУЛЛАЕВ



## Мад сеферда райондин агъалийрин фикирдиз гъизва:



Гъурметлу ватангълияр!  
Чна «Эренлардин сес» газетдин эхиримжи чина саки кьве йисан вахтунда Ватандин Чехи дяведин иштиракчийрикай кхьенвай ктаб гъазурзавайдакай малумат гуз хъана. Къейдна кIанда хьи, и яргъал мудатда редакциядиз чар-шар гъаз атайбурун къадар лап тIимил я. Амма икI ятIани чна чи кIвалах акъвазарнавач, тIем акакълайвал, ам кьиле тухузва. Чи истемишун ам я хьи, пака ктаб чапдай акъатайла, лугъун тавурай, бес къастунай редколлегияди зи мукъва-къилидин женгерин агакъунрикай, лайхлувилерикай къейд авунач. Вахт гъеле амазма, тIалабзава дяведин иштиракчийрин женгериз ва уьмуьрдиз талукъ материалар чал агакъар хъувун. Чна гъузетзава. «ЭС» газетдин редакциядин коллектив.

### Гъурметлу газет кIелзавайбур!

«ЭС» газетдин редакцияди квевай тIалабзава, райондин идарайриз ва тешкилагриз авай суалрин патахъай редакциядиз чарар кхьин. Чи редакцияди куь суалриз жавабар гуда.

Утерянный аттестат о полном общем образовании серии 05 АА за №0062399, 05-001060353-08 выданный в 2007-2008уч.году Микрахказмалярской средней общеобразовательной школой Докузпаринского района РД на имя **Кчибекова Дениса Эйнулаховича** считать недействительным.

Цийи-Каракуьредин школадин коллективди играми диде

#### Пайсар

рагъметдиз финихъ галаз алакълу яз Умаханаз, Темирханаз ва вири багърийриз башсагълугъвал гузва.

Мискискарин юкъван школадин муаллимрин коллективди играми диде

#### ЗУЪРУЪЯТ

рагъметдиз финихъ галаз алакълу яз Майсарова Назанидиз ва вири багърийриз башсагълугъвал гузва.

Къурушрин юкъван школадин муаллимрин коллективди Азаев

Азаяз диде

#### Рагла

рагъметдиз финихъ галаз алакълу яз башсагълугъвал гузва.

Къурушрин юкъван школадин муаллимрин коллективди Селимов

Закираз диде

#### Къызтамам

рагъметдиз финихъ галаз алакълу яз башсагълугъвал гузва.

### «ГОЛОС ЭРЕНЛАРА»

2001-йисан  
ноябрдилай акъатзава

#### Тешкилайди:

Докъузпара райондин  
администрация,  
Дагъустан Республика

#### Учредитель:

Администрация Докузпаринского  
района, Республика Дагестан

#### Кылин редактор:

Э.А.ГЪАЖИБЕКОВ

#### Жавабдар секретарь:

А.Э. ЭМИРСУЛТАНОВ

#### Хуси корреспондентар:

Ш.О. ШАГЪБАЛАЕВ  
К.Н.ФЕРЗАЛИЕВ  
В.С.АГЪАМУРАДОВ  
З.Э. МЕДЖИДОВА

#### Корректор:

Ш. ШАГЪБАЛАЕВ

#### Верстка авурди:

А.Э. ЭМИРСУЛТАНОВ

Чандиз вахкай вахт: 14:00

Чапзавай вахт - 17:00

Тираж 1200

Редакциядинни макъалайрин авторрин фикирар сад тахъун мумкин я. Макъалайрин делилрин дуъзвилини патахъай жаваб авторри чни гуда. Макъалайриз рецензия гузвач ва абур элкъвена вахузвач. Мадни, чпин макъалайра дегиишвилер тунал, кьилер дегиишарунал рази тушир мухбирривай чна абур редакциядиз ракъур таъун тIалабзава.

Газета зарегистрирована  
Управлением Федеральной  
службы по надзору в сфере связи,  
информационных технологий и  
массовых коммуникаций по  
Республике Дагестан

Регистрационный  
номер ПИ №ТУ5 - 00256  
от 14 июня 2013 г.

Редакциядин,  
издательстводин ва  
типографиядин адрес:

368750, Докъузпара  
район, Усугъчай хуьр,  
тел.8 (8269) 22-345  
e-mail: erenlar2001@mail.ru  
Наш сайт: www.erenlar.ru